



2025

Ban kanta, planta

MJ Martina

Kanta ban kanté planté

Ho kòrsou ban kanta planta tera ta fertil
Proklama viktoria den kada simia ku bai tera
Kanta bo kurason i planta ku speransa
Bo bos tin forsa proklama viktoria
Tin dia bon

Ta na kaminda

Abundasia
Kunuku yen pa un i tur
Pero tin trabou pa kumpli kuné

Kumi kanto mi ke yega na bo kurason
Na bo kurason
Pa konvensebu pa nos uni planta ku amor

Ku amor

Tin simia pa bini ariba
Tin kosnan bunita pa nos bai mira

huntu so nos por logr'é

Tin dia bon
Ta na kaminda
Abundasia
Kunuku yen pa un i tur
Pero tin trabou pa kumpli kuné



Kunuku deskuida ta lugá pa yerba di shimaron
Laga bo Fé bai penetra kaminda sintí ta kai chikí
 No sa kòrta standu ku luna nobo
 No sa planta sin speransa
 Pero awoki si ta ora
 Ban pone man na obra

Kanta ban kanté planté

Ho kòrsou ban kanta planta tera ta fertil
Proklama viktoria den kada simia ku bai tera
 Kanta bo kurason i planta ku speransa
 Bo bos tin forsa proklama viktoria
 Tin dia bon

Ta na kaminda

Abundasia
Kunuku yen pa un i tur

Pero tin trabou pa kumpli kuné

Kòrsou tin trabou pa kumpli kuné

Nos tur tin trabou pa kumpli kuné

2 kalbas den un tobo di awa un ta keda sin dal den otro

Nos tur tin trabou pa kumpli kuné

Pa her lanta dams kaha ku wiri mester mara

Nos tur tin trabou pa kumpli kuné

Huntu ta yora huntu hari

Nos tur tin trabou pa kumpli kuné

Huntu ta planta pa huntu kosecha

Nos tur tin trabou pa kumpli kuné

Nos grandi nan a kanta semper pa trabou bai mas lihe
Si nos uni forsa hasi'e huntu tambe sigur nos lo kaba

Koro:mas lihe



2025

Kòrsou ta ora

Koro: Kanta planta

Pa laga bo bos zona
Pone sintimentu den palabra
Deshoga bo alma

Koro: Kanté planté

É ta nos deber pa hasi kos
Tur hende mester ta den Union
Brasa chapi ku amor
Laga sodó bai baña tera
Manifestá abundansia
den kada simia kubo manda tera
Nos no por sintia warda
Tin kos bon pa bai pasa!
Kunuku ta bai bona
Bira bèrdè bèrdè
Tur hende ta bai logra
Si Ku Dj'o su forsa
Notisia tinku kore
Ku nos mester uni forsa
Notisia tinku kore
Pesei laga bo bos zona

Anto preparabu pa nos ban

Koro: Mandé den laira p'e yega aya!

E palabra di viktoria
Tur hende kanta kumi

Koro: Viktoria pa Kòrsou



2025

Don pereré
Nos no por sinte warda
Tin kos bon ta bai pasa
Kunuku ta bai bona

Diskripshon di letra.

Kòrsou,e tera fertil den desaroyo I progreso kaminda nos falta suidadano nan ku sa di unda nan a bini unda nan ta I unda nan ke bai.

Nos avochi nan a hasi uzo di kanto pa keda kla ku nan trabou nan pero tambe pa kita poko tenshon I relaha poko.

Pesei Hasiendo uzo di mi bos fuerte I mi kurason patriotiko mi ke enkurasha nos komunidat pa den Union nos ban mantene i kuida tur loke nos a hereda I Plantando respet amor disiplina I konsistensha huntu nos jega na UN pais Eksitoso.

Kantando bailando ekspresando nos lo mantene nos Kultura I herensia BIBU!

Esaki nan tur ta forma parti di e trabou nan ku nos tinku hasi komo kompatriota I asina yega na e kunuku yen di abundansia I kosnan bon (Prosperidat)kon ta anhela asina tantu.

Tin simia pa bin ariba, tin kos nan bunita pa nos bai mira: Tin hopi kos pa konkretisa prome nos yega na Eksito.

Kunuku deskuida ta luga pa yerba di shimaron: Si bo no kuida/Deskuida loke bo tin e ta bai perdí.

Laga bo Fé penetra kaminda sintí ta kai chikí: Tin momentu nan difisil ku bo no ta mira salida, pero bo no por perde Fé. Fé ta hasi milager.

No sa kòrta standu ku luna nobo: Tur kos ku su tempu I su luga.

No sa planta sin speransa: Kere den loke bo ta hasi!

2 Kalbas den un tobo di awa no ta keda sin dal den otro: Nos por tin diferensha di opinion pero na final nos tur ta traha pa e mesun kousa.

Pa her lanta dams kaha ku wiri mester mara: nos mester siña kooperá I traha huntu.

Brasa chapi ku amor laga sodó baña tera: Traha Inkansabel pa progres